

樓頂樓跤

三十外年前 ê 台灣是電視干焦有三台，一份報紙干焦有三張，嘛無電腦、手機仔 ê 時代。躑校舍 ê 查埔因仔若下課了後，毋是顧佇電腦頭前，嘛毋是看電視、耍手機仔，是相招耍會當算命 ê 『碟仙』；抑是耍 khe-tsí-báng（華語『撲克牌』）。若是出外，就 hām 這馬 ê 因仔 ê 消遣無啥物精差，親像相招看電影、蕪街備辦糧草（喙食物仔）、蕪夜市淋 500cc ê 木瓜牛奶等等。彼當陣阮嘛真愛看人喝賣物件，欲開始起鼓進前，若無倩一、兩個仔小姐唱歌共人客呼倚來，就無才調佇江湖佻人咧走跳！Hām 這馬干焦靠弄喙花拍賣咧賺食 ê 少年家，是完全無仝款 ê。

我佇農專讀冊彼兩年，為著欲省宿舍費佻交通費，有一年半 ê 時間攏躑佇學校 ê 牧場。學校 ê 牧場分做三場，有豬場、牛場佻雞場，每一場攏有一个至三個學生躑佇遐鬥相共。我躑 ê 所在是豬場，逐工透早就 ài 飼豬飼煞，閣巡頭看尾，大小豬攏無急症 ài 處理 ê 時，才趕緊共工作服換落來，招仝款躑佇牧場 ê 同學，做伙去學校內底 ê 餐廳食早頓，食飽了才去畜牧（thiok-bòk）科館上課。透早毋免佻人去升旗曝日頭，是阮認為躑牧場 ê 人 ê 福利之一。

有一个躑佇雞場 ê 同學，歲數比大部分 ê 同學較濟，逐家攏叫伊『老大』。有一暗，我食暗飽，飼豬飼煞，閣共毋食飼料 ê 大豬抑是落屎 ê 豬仔困注射了，就去洗身軀，共家己身軀頂 ê 豬屎味洗清氣，坐佇豬牢辦公室 ê 門跤口 nah-liâng。『老大』對雞牢彼并行過來，真無聊 ê 款，伊應該嘛拄無閒煞。伊講伊有聽著山 ê 彼并有有用放送頭唱歌 ê 聲，招我做陣去聽人唱歌。其實，查埔人（查埔因仔嘛仝款）講欲聽歌是藉口，真正 ê 目的是欲去看嬌姑娘仔。

阮學校起佇嘉義市 ê 山區，「蘭潭」（地名，一个水庫）ê 邊仔，畜牧科佻牧場佇學校 ê 上內底，牧場 ê 後壁有一條細條路仔，兩并邊仔 ê 雜草發甲比人較懸，行到底有一个生銹 ê 鐵門，不時攏鎖牢咧，行出來鐵門會接著打馬膠路到庄內。這條路真少人咧出入，有是阮想欲去看簔仔店 ê 『阿麗』，閣無想欲蕪遠路 ê 時陣才會去行，總是庄跤所在 ê 貨色有影傷少，去『阿麗』個兜嘛無啥物物件通買。彼工，阮兩個對這條小路行出來到庄頭，專工蕪去廟口，攏無看著有所在咧鬧熱，無張無持繼行對庄裡閣較內底 ê 大路去。日頭拄落山，猶看有路，但是路勢煞一直 peh 懸，閣行無佻久，規个天就暗落來，睇月娘佻久久仔才有一葩 ê 路燈咧共阮照路。

山路無大條，有當時有車會經過，若無車來抑是無路燈 ê 時陣是規條路暗眠摸。路 ê 一爿是 ām-ām ê 樹林，一爿是山崁，『老大』共薰提出來點著，發 (puh) 兩喙薰了開喙講，就 ài 有「火」歹物仔才袂倚來。我恬恬無應聲，心內想講像我按呢無食薰 ê 人，煞毋知欲按怎？伊 ná 食薰 ná 繼咧講，毋通越頭向後壁看，因為咱人 ê 肩胛頭佻額頭攏有一葩火，總共是三葩火，若向正爿越頭看，頭前就賭倒爿肩胛頭彼一葩火，三葩熄兩葩就較危險。

山路迤迤幹幹 (î-î-uat-uat)，嘛干焦這條路，阮綴路勢連鞭倒幹連鞭正轉；有時 peh 山有時落山；歌聲嘛連鞭大連鞭細，有當時閣會無聲去。唱歌 ê 所在毋知是佇佗位，嘛捎無伊正港 ê 方向，因為聽著 ê 聲有可能是山區 ê 回音。無咧注意時間，感覺行了誠久誠遠 ê 路，繼落 peh 一个短短 ê 崎，才看著頭前有兩、三葩柑仔色 ê 電火，懸度無懸，應該毋是路燈，是人家厝仔 (jîn-ke-tshù-á)，歌聲嘛忽然間大聲起來。應該就是佇遮，是一个小庄頭，阮跛步變大閣變緊，行到位佇大路邊 ê 空地仔，一、二十个 (it-jī-tsáp-ê) 庄跛人圍佇遐，歌拄唱了一个坎站，唱歌 ê 查某人共現場交予一个較濟歲 ê 查埔人，伊應該就是頭家，敢若欲開始賣物件 ê 款。這款 ê 情形我無意外，定定佇夜市仔 ê 上內底就看會著，逐家攏是咧等看唱歌 ê 查某人有閣加褪一領衫掉無，買物件煞變做是「順繼」ê 工課。

個攏是按呢，先叫衫穿無濟 ê 婿查某唱歌啞 (siānn) 人客，等到圍倚來 ê 人若有夠濟，頭家就出場開始喝賣。庄跛所在所賣 ê 物件，當然就是日常用品上合用、上好賣，衛生紙、齒膏、齒抵、茶籬攏是免不了 --ê，繼落來就是困仔人 ê 迫迫物仔，予在場 ê 阿公、阿媽買轉去予個兜 ê 孫仔耍。現場 ê 人客無濟，伊若用拍賣 ê 方式，價數拍算喝袂懸，所以我佇咧想，伊家已訂價數，對懸 ê 喝落來，沓沓仔共人客啞，等到價數袂閣落 --ah，才是這項物件正港 ê 價值。

「百貨公司 ê 貨啦！一隻 500！今仔日毋免予恁開 500！400、300 嘛攏毋免！殘殘 200 了錢賣啦！」伊雄雄用正手 ê 籐條 uì 桌頂摔 (sut) 落去，大大聲「piáng」一聲，繼 --lueh 就用倒手比正爿閣比倒爿「遮嘛欲！遐嘛欲！喔！小等咧！小等咧！慢且擲手！（現場根本就無人擲手，我看著煞起愛笑），我閣送恁兩粒電池按呢好無？跛手若無較緊咧，就買無囉！」「最後干焦賭兩隻爾爾，若欲買就趕緊喝聲！」伊正手擲 ê 籐條，不時就 uì 桌頂摔落去製作氣氛，你若小可仔無注意，就會予這個雄雄出現 ê 聲掣一趟 (tshuah-tsit-tiô)。伊嘛不時咧喝「遮嘛欲！Ah 遐嘛欲！」予逐个人客 ê 心肝穎仔綴咧浮咧浮咧！這項物件敢就有影遐搶市？家已敢嘛就愛綴咧買？厝裡敢就有欠用這項物件？

我佢『老大』坐佇上頭前第一排 ê 塗跂，毋是欠用物件想欲買，是目調綴拄才唱歌 ê 查某人覷來覷去，但是有當時嘛 ài 假影看別位，歹勢直直共人看。對阮這款猶未二十歲 ê 少年家來講，伊無蓋少年，三、四十歲 ê 款，身材普通，穿插嘛無真 kng-iānn，闊闊 ê 裙飛咧飛咧，裙裾 (ki) 短到會當看著白肉白肉 ê 大腿，佇場內走前走後收錢、找錢、交貨，胸前兩粒奶仔 (ne-á) 綴咧幌咧幌咧。我想『老大』應該嘛佢我全款，干焦顧看這個查某人，因為伊嘛攏無買物件。拄才頭家才講賭兩隻爾爾，但是我看內場另外一個查埔人攏闊一直 uì 內底提出來賣，有夠無影無跡！頭家賣較濟予時間延延 (iān-tshiān)，我是袂無歡喜，因為不時攏向望倚佇我後壁 ê oo-jí-sáng、oo-bá-sáng 緊擲手講欲買，按呢這個查某人就會睞 (kheh) 來我 ê 邊仔收錢閣交貨，我就會當鼻著伊身軀頂 ê 芳水味！

「緊咧！緊咧！這項若賣煞，就欲來看樓頂 --ah-- 喔！」雄雄聽著這句話，毋知影啥物是「樓頂」，但是小可仔想一下就知，應該就是查埔人所愛看 ê！看頭家講 ê 彼項賣了，閣繼咧賣幾仔項物件，就知影伊是咧講嚟梢 (hau-siāu)。全一句話繼咧講幾若遍，毋知佢一遍才是真 ê。可能是伊猶閣趁無夠工錢，毋甘願！袂聽予阮看！我心內想講我佢『老大』若出手鬥買，凡勢會當較早看著「樓頂」？但是我想頭家應該知影，阮兩個學生因仔干焦等欲看好空 --ê，若欲向望阮買伊 ê 物件，真正是阿婆仔生困，誠拚咧！

總算予我等著 --ah！頭家比一個手勢，叫伊開始，伊共外衫掀起來到領仔頸，胸坎無穿內衫，兩粒奶仔現現，uì 這并行到彼并，無幾秒鐘 ê 時間，就行轉去共衫放落來。人客逐家看甲恬 tsih-tsih，現場 ê 氣氛會當感覺，hông 看 --ê 人袂歹勢，但是看 --ê 人煞歹勢歹勢。總是較早 ê 人較閉思，庄跂人閣較毋免講，無像這馬 ê 少年家，若是看著按呢，一定會大細聲喝咻。

頭家閣開始喝賣物件，這馬換講欲予人客看「樓跂」，佢進前全款誠慝等，物件賣了一項繼咧一項，伊 ê 生理當好，賣了當繼拍毋願停睏。我開始懷疑頭家閣咧講白賊，敢有可能予別人看「樓跂」？彼個查某人敢是頭家 ê 某？有一個阿婆等到起厭 (siān)，綴頭家 ê 喙尾喝：「Tann 欲 hông 看樓跂毋就較緊咧！」本來恬 tsih-tsih ê 眾人，煞做伙笑出來。我嘛感覺誠奇怪，查某人敢嘛會愛看查某人 ê 「樓跂」？

我想頭家一直講欲予人看「樓跂」，這陣 (tsūn) 無予人看繼袂煞！規陣 (tīn) 人毋願走！頭家毋敢白賊，唱歌 ê 查某人共伊 ê 裙掀起來，全款佇眾人 ê 面頭前行一輓，就轉去共裙放落來。伊是啥物時陣共內褲褪掉 --ê？抑是一直攏無穿？我感覺誠奇怪嘛

起愛笑，想想遐濟是欲 tshòng 啥，有通看就好，敢毋是咧！現場 ê 人客逐家攏知影按呢就是欲煞鼓 --ah，頭家進前講 ê 話有準算，眾人倚規暗 ê 代價嘛有得著補償，逐家才心甘情願開跤行轉去各人 ê 厝。彼暗我誠好睷，袂一直想暗頭仔所看著 ê 「樓頂」、「樓跤」，但是無疑悟半暝仔煞夢洩（bōng-siat，華語『夢遺』）。睷天光拄著『老大』，想欲問伊閣驚歹勢，毋知伊是毋是佷我全款有夢洩咧？

隔無佷久，有一暗，阮閣聽著山 ê 彼引傳來放送頭唱歌 ê 聲，阮照頂擺 ê 路行去，想講欲閣去揣看有好空 --ê 通看無。拄開始嘛佷頂擺全款，有時陣有聽著聲，有當時閣無聲去，行無佷久歌聲就愈來愈細聲，繼落來就無去 --ah，閣行一睷仔嘛是猶無聽著聲，佷頂擺會雄雄閣聽著歌聲 ê 狀況無啥全款。阮參詳了，感覺閣行落去應該嘛是無效，就做陣越頭行轉去牧場，心肝頭煞感覺有較拍損、較無彩。

煞想著古早人有寫一篇「桃花源記」ê 文章，講有一个掠魚 ê 人，綴溪岸行了足遠 ê 路，來到一个生份 ê 所在，彼个所在毋但風景嬌，遐 -ê 人嘛良善閣好客。後來，有人綴伊行過 ê 路欲閣去揣，就揣無彼个所在。敢講我佷『老大』頂擺綴歌聲去揣著 ê 所在，是阮兩個人永遠袂當閣去揣著，嘛予阮兩個人永遠數念 ê 「桃花源」咧？凡勢是按呢！佇阮欲畢業進前，蘭潭 ê 較山頂閣起一个潭，號做「仁義潭」。阮咧等畢業典禮 ê 時陣，有成個月 ê 時間暗時仔毋睷，招別班 ê 查某因仔，oo-tóo-bái 相載騎咧四界迺迺，才知影有这个新 ê 所在。日頭時，會當看著潭底有一寡人家厝佷田園，若起好勢開始貯水 ê 時，遐 -ê 厝佷遐 ê 田園按算攏會 hōng 淹佇水底，彼个所在就會變做真正是永遠無人閣揣會著 ê 「桃花源」囉！



作者感言

許焯輝

（台語文）一段有較歹勢、有較見笑 ê 過往，園佇心肝頭 30 外年毋敢講出喙，到今才提出來佷逐家分享，無疑悟評審老師無棄嫌，欲共頭名留予我，誠意外，嘛誠歡喜。著獎當然嘛歡喜，但是綴尻川後所來是煩惱，若是袂曉台語文 ê 因仔問我講內底是咧寫啥物？我是欲按怎共 in 應？我 ê 台語老師廖淑鳳講，都已經是 oo-jí-sáng ê 年紀矣，是咧歹勢啥？會著獎，ài 借這個版面共說上大 ê 感激！